

重校
刊訂

淨土十勝論卷第三



淨土十勝箋節論卷上

末法利益勝

具結得脫勝

具縛不現勝

具纏不退勝

卷第三章目

初紙

十九紙

二十二紙

二十七紙

淨土十勝箋節論卷上

卷第三章目

末法利益勝

初紙

具結得脫勝

十九紙

具縛不現勝

二十二紙

具纏不退勝

二十七紙

校訂重刊

淨土十勝箋節論卷三

章目

旧欠得
住二字
今依經
說旧作
議誤今
依經

亦是從多比然則余見聞諸方皂白適雖有發正信心起真修行之彙尋其體達徹悟希于麟角少于鳳嘴矣今正明正像末三時代謝之相以評教行證存沒有無之義矣謂大集月藏分第九云於我滅後五百年中諸比丘衆猶於我法解脫堅固後五百年我之正法禪定三昧得住堅固後五百年讀誦多聞得住堅固後五百年於我法中多造塔寺得住堅固後五百年於我法中鬪諍言訟白法隱沒損減堅固比又日藏分第六云何者名為末法世時謂讀誦人不依於波羅提木又道中行若不坐禪則不能得於三

旧脱現
字今依
集

摩提乃至不得第四之果乃至不得寂滅三昧是則名為末法世時比二祖大師受之云是故大集月藏經云我末法時中億億衆生起行修道未有一人得者當今末法現是五濁惡世唯有淨土一門可通入路是故大經云若有衆生縱令一生造惡臨命終時十念相續稱我名字若不生者不取正覺仍縱使一形造惡但能繫意專精常能念佛一切諸障自然消除定得往生何不思量都無去心也比今案經文五箇五百中戒定慧學只在於前三而已然則至末法之時無斷惑證理之人者在文分明得理炳焉者歟

校訂重刊

旧脱鳳
字今依
古

凡自非無漏三學不證真諦理性者大小兩乘之所
定顯密二宗之所談也抑居當代末法之時致自力
難證之修行猶如曳曲木乎稠林又似浮膠船乎苦
海嗚呼倩以摩尼空聞名麟鳳誰見實賢聖只聞名
三學誰見實正法五百年之內持戒得道之者甚多
像法千載之外護禁修德之彙維鮮矣至當今者時
是濁惡人根劣鈍依希其道髣髴其風妙道難鑽輕
毛隨風故時根所牽逆流猶難矣古云鴛鴦之乘不
騁千里之塗燕雀之儔不奮六翮之用蚊虻終日經
營不能越階序蒼蠅之飛不過數步云云此於當今末

妙行等
六字旧
脱之今
依古補
入
經下旧
有云字
析

法之惡時而有三學分外之眾生致聖道之修行無
入證之巨益之謂而已矣學案吾淨土教之得脫者
不云三學修行不云斷惑證理唯由一聲稱念功力
列九品清淨之海衆故其得益廣通末法萬年之末
及以法滅百歲之時也夫以惡世煩惱之疾瘵深隱
居盲上膏下矣所以中下之三學不能治之矣然本
願稱名之妙行是千市之艾灸至心信樂之用心乃
一服之八毒而已所以能療瘵逆謗盲膏之疾瘵孰
不服餌之者乎也末法燈明記云案大術經佛涅槃
後初五百大迦葉等七賢聖僧次第住持正法不滅

校訂重刊

淨土十勝論卷三

三

摧旧作
滅非今
依記

寶旧古
同作衣
今依記
俱旧作
狗今依
記
旧脱及
字今依
記

者旧作
矣今依
古

五百年後正法滅盡至六百年九十五種外道競起
馬鳴出世伏諸外道七百年中龍樹出世摧邪見幢
於八百年比丘縱逸僅一二人有得道果至九百年
奴爲比丘外婢爲尼一千年中聞不淨觀瞋恚不欲
千一百年僧尼嫁娶毀謗毗尼千二百年諸僧尼等
俱有子息千三百年袈裟變白千四百年四部弟子
皆如獵師賣三寶物千五百年俱睽彌國有二僧互
起是非遂相殺害仍教法藏於龍宮也涅槃十八及
仁王等復有此文準此等經文千五百年後無有戒
定慧比南山律德諸經要集云正法千年三法具足

像法一千年唯護教行兩法更無證法末法之中唯
有教無行證比補註云有人引青龍疏云有教有行
有證名爲正法正者證也有教有行無證名爲像法
像者似也無此三名爲末法末者微也比衆文炳然
末法無證理之人者觀師傷歎曰眞言止觀之行道
幽易迷三論法相之教理與難悟不勇猛精進者何
修之不聰明利智者誰學之朝家簡定賜其賞學徒
競望增其欲暗三密行忝登遍照之位飭毀戒質誤
居持律之職實世間之假名智者之所厭也比此言
實哉誰有道之學者不耻慙也嗚呼學大小毗尼而

校訂重刊

淨土十勝論卷二

四

不守戒行，習顯密經軌而不凝妙觀，豈不招學行參差之失耶？諺曰：擊孝經，打母頭。蓋斯之謂也。夫攝在
世正法之俊人，是顯密聖道之諸門。諸益濁世末代之
頑魯，乃別意弘願之一路。諸然則自力自攝之萬
行，今時不應之教法也。已陳之芻狗，可再羞如何？學
者自量矣。延天之曆，應重用以否？行人思察矣。
小子倩意，當今聖道宛如商丘之大木。末代自力，譬
似螻蛄之運斧。智人商量矣。智人商量矣。牟子理惑
篇云：持孔子之術，入商鞅之門。賈孟軻之說，詣蘓張
之庭。功無分寸，過有丈尺。比夫當今末法之時，賈顯

分十旧
作十分
倒誤

見之取
旧脫之
今依牟
子

密之諸教，而攝魯鈍之人，功無一銖，過有萬仞。歟。又
牟子理惑篇云：前有隋珠，後有虓虎。見之走而不敢
取，何也？先其命而後其利也。比今顯密之大法，盈乎
八埏而不勤修之，何也？是即先其證理而後其信修
也。夫愚老靜以當今末法之時，約十惡盛行，機峻於
大行之路。故三車四車之寶輅，輾摧而煩惱之險難
叵陵矣。五濁亂漫，機漲於巫峽之水。故三乘四來之
法船，柁折而生死之愛河難超矣。為之如何？諸為之
如何？諸是即語結緣不鳴呼縱雖四舟楫固是扁舟
小艇乎？渡一二三五，故六八，願船乃巨舸大舶乎？絕

校訂重刊

淨土十勝論卷三

五

千萬非載故夫末代之行者致自力之修行不得證
理之大果是如男麻有花而弗登實持名之行人無
僧祇之妙行昇進不退之高科乃似妻麻無花而結
菓智人商量焉匪童教內修行無行證而已又教外
別傳單傳心印之修行至末法之時者更無徹悟之
人也謂達磨尊者識記云至吾滅後二百年衣止不
傳法周沙界明道者多行道者少說道者多通理者
少也夫若教外單傳若教內修行等於末法萬年之
中更無行慧證理在文揭焉者邪然今吾彌陀本誓
別益者不簡三學之有無不論五逆之犯不只納受

旧脫在
字今依
古

絕絕旧
古俱同
按純字
誤平未
檢略釋
更待後
勘

一聲十念之功力引接三輩九品之蓮臺者也就不
歸之者乎密來之行者難曰夫顯宗諸家皆有_{三時}
代謝之憂祕密一門特無正像末法之異也且相應
經曰若末法世人長誦此真言能成滿願如意若誦
一洛又得大金剛身若誦一俱胝得成遍照尊也又
法華略釋曰雙圓之性海常談四曼之自性重如之
月殿鎮受三密之自樂人法法爾興廢何時機根絕
絕正像何別也又大日經要義曰問正法像法之差
別密教不許何今用之答密教正像無別者於自教
論若見顯來非無其別問其顯教即有密宗即無義

校訂重刊

淨土十勝論卷三

六

云何答正法教行證三俱有像法有教行二而無證
理益末法有唯教而無行證密教正機皆頓悟故無
此差別顯機不爾有其別也。已經釋分明無三時之
別矣若爾者全不可比對真言密教以立末法利益
之一勝者也何如答曰夫諸法不若現量然今現看
四曼三密之行者孰齊龍猛龍智之吐慧雲乎誰同
無畏金智之湧辯泉乎將又厥靈驗如何抑亦成佛
有遲速斷證有遠近是則或由三時代謝或由根機
利鈍而爾也若實無正像之異者豈有如此不同哉
請問之曰金剛頂經云佛言持誦觀念本尊修瑜伽

旧脱言
字今依
疏

者皆由前諸三摩地契現身獲得種種功德如前願
悉地從行不關至十六生畢定成佛。已大日經疏第
三云此中言悉地宮有上中下上謂密嚴佛國出過
三界非二乘所得見聞中謂十方淨嚴下謂諸天修
羅宮等若行者成三品持明仙時安住如是悉地宮
中。已同第八云若人於秘密藏中受灌頂位者乃至
一生。中或成正覺。已理趣經開題云十六大生乃至
現生成佛。已真言問答曰如今真言行者如此觀修
幾生成佛對一生二生隨機不定。已異本即身義云
問大機小機共修此教者二共即身成佛耶答此不

旧脱大
字今依
開題

對下旧
有或字
何

旧脱文
字今依
義

宗下旧
有不字
非
旧脱之
字
只下旧
有唯字
行今皆
依義改

可爾問其意何答今意可云大機即身成佛小機者
後十六生成佛問何以得知大機即身成佛小機經
十六生成佛答經云修此三昧者現證佛菩提此即
大機即身成佛之證文也若有衆生遇此教晝夜四
時精進修現世證得歡喜地後十六生成正覺此即
小機成佛之證文也問不簡大小機令即身成佛者
勝可見既有速遲何殊餘宗耶答法相等宗經三大
劫都無成佛之理今此宗意者小機只經十六生成
佛尚勝餘宗問何故不云十八生十七生定云經十
六生答經十六大菩薩生故云爾上已又云問小機經

何下旧
有可字
行
旧脱義
字

身下旧
有不字
非
旧脱也
字今皆
依義改
旧脱與
字
旧脱共
字今皆
依記補
人

十六生大機者不經耶答可云大機亦經十六生也
問若爾者何云即身成佛耶答大小機雖云經十六
生橫豎義故速遲各殊問其橫豎義故速遲各殊意
何答小機者次第經十六生成佛是豎義也大機者
即身經十六生成佛是橫義也所以云速遲各殊上已
祕藏記云真言菩薩或十六三昧一一次第證或與
得一三昧共十六同時證上已夫有如此不同正是由
機根有大小時分有三時而爾也學者自量矣問曰
前文理之難猶未遮何如答曰夫及達悟已無去來
今之後雖無三時之不同三世修行證有前後之前

校訂重刊

淨土十勝論卷三

八

必有正像之差殊也。上來所出難衆文皆是不墮三世無去來今之意也。莫敢混淆三世修行證有前後之文矣。凡正像何別者。住在月宮之所見也。重如月殿之文可思之矣。成佛遲速者。修生顯得之次第也。上中下悉之談可察之矣。密行人云。夫雖圓蓋西轉。日月東流。南斗運北。北極不移。冬天盡殺。松柏不彫。陰氣凍水。潮酒不冰。密行之證理不其然乎。時雖濁。蓋焉無成佛乎。問曰。既聞有人其人安在哉。答曰。其人山林暗跡。朝市隱德。凡人焉得知矣。且菩提心義曰。若末法世設修此觀。即身成佛之人亦應隱形一

匿旧作
匪誤今
依古

如常人非有緣人誰見其佛。此義匪密局內聖外聖亦爾。且莊子曰。雖聖人不在山林之中。其德隱矣。隱故不自隱。古之所謂隱士者。非伏其身而弗見也。非聞其言而不出也。非藏其知而不發也。時命大誤也。比疏曰。澆季之時。不能用道無爲之道。不復行世。假使體道聖人降迹塵俗。混同群小。無人知者。韜藏聖德。莫能見用。雖居朝市。尚異山林矣。時逢昏亂。故聖道不行。豈是韜光自隱其德耶。謬偽妄也。非伏匿其身而不見。雖見而不亂。群非閉其言而不出。雖出不忤物。非藏其智而不發。雖發而不眩耀。但時逢謬

校訂重刊

海二一勝論卷三

九

妄命遇。迤邐故。隨世污隆。全身遠害。比同疏云。夫能
物於物者。聖人也。聖人冥同萬境。故與物無彼我之
降畔。比同疏云。古人純樸。合道者多。故能外形隨物。
內心疑靜。比又莊子云。聖人處物不傷物。比同疏云。
處俗和光。利而不害。故不傷之也。比夫大方無隅。大
音聲希。大白若辱。大直若屈。大成若缺。大盈若沖。玄
德玄同。非聖孰知。知人之病。古聖亦難矣。凡和光同
塵。是李老之所談者哉。若以此觀之者。於即身成佛
之人者。設雖並肩交膝。誰知之乎。問曰。夫山藏玉。而
草木茂。嶽收鈿。而光彩衝。尋躡知形。見煙悟火。即身

成佛之人。胡必巨知哉。答曰。玉劍無心。故現相。人倫
含心。故巨辯矣。問曰。晝曰虛名久不立。繆旨終有失。
夫反彼而思之。隱德之人。豈久隱乎。然末世即身成
佛之人。或現在若沒。後誰有留其名哉。何如抑亦雖
儘有其人。只是巨洋之一滴乎。又即九牛之一毛乎。
豈等萬不一失之大法哉。奚同具縛出離之靈驗哉。
凡倩案從上之所談。是高論虛腹歟。亦有名無實歟。
有道之智人善商量矣。有道之智人善商量矣。此事
豈為他哉。正是為而也。問曰。於密宗之教行。有三時
代謝之相者。正有其現證乎。答曰。有之。夫余近視聽

校訂重刊

淨土十勝論卷三

十

諸方密人。大忘大空曼荼之妙觀。而偏驅魑魅。以為
効驗矣。更無十緣生句之解了。而併求現悉。以為本
望矣。是其末代渾濁之現相也。觀師傷歎曰。朝
家簡定。賜其賞。學徒競望。增其欲。暗三密。行忝登。遍
照之位。飭毀戒質。誤居持律之職。比又大宋高僧傳
金剛智三藏讚曰。系曰。五部曼拏羅法。攝取鬼物。必
附麗童男處女。去疾除祇也。絕易近世之人用之。
身口之利。乃寡微驗。率為時所慢。吁。正法。醜薄。一
於此。比又遍年通論第十六云。自東晉尸利密已降。
宜譯祕咒。要其大歸。不過祀鬼神。驅邪妄為人。禳災。

么旧作
公誤今
依論

驅旧作
驗誤今
依古

季旧作
季誤今
依古

釋惠而已。其間往往不無假名。比丘自外國來。挾術
驚愚。有所謂羅漢法者。正么麼邪術下劣之技。亦猶
道家雷公法之類也。茲豈高道巨德弘禪主教者。齒
哉。比夫設雖人。無畏金智之門室。登兩部灌頂之壇
上。唯祀天等。驅烏鬼。而無阿字本際之解證者。與彼
無異也。密人慎乎。密人慎乎。文叫字義鈔云。問真言
行者。遮情之觀。其委意如何。答此。問殊至要也。所以
者何。末代近世真言行人。雖習瑜伽深奧之法。都忘
勝義無性之觀。所以三毒五欲著心。未蕩名聞利養。
奔波是繁。三密相應之水。念風起而難靜。五相成身。

校訂重刊

卷上 勝箋節論

十一

月妄雲掩而無晴只誇教理獨超於諸乘未知妄染常汚於淨心雖適離世間之著心亦未覺出世之攀緣所謂知法者著法有行者執行等也是則背無住之住違不行之行故不名善巧修行况復傳諸佛無上之祕寶為名利之價修三三平等之妙行還為勝他之媒乎抑自中古以來至于當時真言瑜伽之行者多趣魔所不得出離或終焉之時發狂而失正念或天亡之後託人而顯邪正竊聞其人皆是往日賢哲也如此先蹤自門他門相續不絕不審觀念帶何過失不得真正之菩提不知軌則闕何方僕徒成邪

正旧作而誤今依鈔

遇旧作過誤

焉旧及古作耳

昭昭旧作揭揭今依古

魔之業因上古之明德尚以如此末世之行者不可不恐方今倩案事情偷迴思慮疑是雖云遇教即精進修行學宗而循環研覈菩提心法幢未立解行俱不真實故歟上眾文雖多今舉一顯諸要覽者閱焉哉抑案上來之文意見現在之行人於遮那之教行在正像之差異載乎現文維炳炳焉見乎眼前維昭昭焉誰人云不爾哉孰彙不頷許哉行人自量矣智人自量矣敬白遮那大教之行者等而言且閣末代難證之密行早持今時易行之尊號若爾者遂悉地乎安養淨嚴開覺華乎阿字心地尤在幾者歟夫意

校訂重刊

卷三十一

十二

求下旧
有乎字
今依古
省
抄旧作
抄非

三時代謝烏焉成馬失濟生化度之力用譬如強弩窮矢不穿魯洲縞文似淨摩尼珠不清極濁水智者商量而修行焉若於末法之中修顯密事理之業因求現生之透徹如換角求乳汁更無所得行人自量矣時密行之人豎點頭而去矣夫自從風慘沙羅雙樹林杪波咽阿夷羅跋提河以往聖道諸教漸漸殄滅淨土一宗倍倍偏增經云佛告阿難汝好持是語持是語者即是持無量壽佛名也高祖解釋受之而云從佛告阿難汝好持是語以下正明付屬彌陀名號流通於遐代上來雖說定散兩門之益望佛本願

行者至
此旧所
出之文
頗多誤
脫今依
選擇集
改正

意在衆生一向專稱彌陀佛名也本朝祖師受經釋云行者應知亦此中遐代者依雙卷經意遠指末法萬年後之百歲之時也是則舉遐攝邇也然則法滅之後猶以然也何況末法哉末法已然何況正法像法哉故知念佛往生道通正像末之三時及法滅百歲之時焉也又觀師云今云一稱彌陀佛滅無量罪者如一良藥治萬病也謂呵梨勤遍治一切病所以耆婆亡一切藥草皆啼呵梨勤獨歌餘草難識治熱不治冷治冷不治熱若是呵梨勤遍治一切無人不識也夫治小邑何須用大道也化末代豈容示聖道

校訂重刊

淨土十勝論卷上

十三

哉所以者何。聖道諸教。只利在世正法之機。而不及末法萬年之輩。又度上根上智之人。而不濟下根下智之彙。然淨土一行。度在世正法之時。不簡末法萬年之機。化上根上智之人。不簡下根下智之類。故也。彼梨勤獨歌。餘草同啼。合法可知。焉抑宜哉。玄冬素雪之寒朝。松栢椿葉。獨彰君子之靈德。末法萬年之當今。安養教行。特播利物之佳名。有識之智人。誰云不然乎。抑當今末法五濁惡世之時。見聞自他之密修。舞曲之與伎樂。不調矣。郢鼻之與匠斧。相乖矣。若未生大空曼荼之妙解。不住本不生際之用心者。設

堅旧作
賢今依
古所引
記文

闔蓋同
音莊子
通用

雖口誦大陀羅尼。焉異樵夫牧童。且設雖手結諸尊印。鞞執免傀儡戲弄。且是故當代末法修行。多是與遠生作緣而已。豈超公成身記。不云乎。欲速成佛者。當學成身觀。然我等雖披教門。難識義理。不敢期頓證。只欲結遠緣。故於堅高強企。鑽仰願如射的之喻。漸遂此觀月之志矣。比上賢猶爾。况於下愚哉。夫今廣見顯密修者。只徒嚙口頭而已。言之與心相乖行者等。若冷暖自知。闔耻慙哉。測心置教文。空睡莫窺語。縱雖如法解。如法行。自力難行。故證位猶未也。智人自量矣。夫不可以今時難證之聖道。而化濁世末

校訂重刊

淨土十勝論卷三

十四

定判下
旧有乎
字今依
古除

代之魯鈍若強化之者當宋人伐木獲狙裂衣尤可
慎者乎若有聖道之行人聞格外之玄談而徒訶怪
誕該之是即賓鳥眩乎膳樂麤鷓驚車馬之謂乎矣
圓宗密行之人難曰今現見無其人豈容信耳賤目
居請問之答曰法華說後五百歲如說修行是或舉
常在入天受勝快樂之幻報或示即往安樂生蓮華
中之果報全非宣真修體顯之巨益定末法之初冥
利不無判後五百歲遠沾妙道此之意也冥利遠沾
之語學者可思擇之矣般若後五百歲流布亦同之
焉設又雖明後五百歲化益是自今僅可二百年以

搆旧作
搆未詳
其義今
據前文
搆角字
義以改

後九十五百祀之間法味滋醜利物篤薄其如之何
原夫於第三時之中行乎難行而欲得聖果者譬如
搆角而求乳壓沙而索油乳油難可得矣亦如通石
女而願子攢濕木而望火子火難可得相似也若有
道人持平尊號而欲往淨刹者喻如搆乳而欲汁壓
麻而索油汁油易可得矣亦如蒸精米願飯攢乾薪
而求火飯火易可得相似焉斯義愚人之所不知也
負強明卓拔之識達生死變化之燼之人者能可悟
之矣智者商量焉請問之曰說刀兵劫中作大專宣
八千年中併屬諸王者仁王是舉七難之消滅悲華

繚當作
經細
書衣之
色照應
下句墳
籍

攝下旧
有乎字
今依古
除

乃語三乘結緣矣。今正約出離解脫之勝利以為言。不相似懸隔不可同年而語之。夫萬年之中繫屬結緣之與三災之時出離解脫相對比校而以商量之。於孰家運載為手脚繚戾之者。濟度猶垂何處汲引。至當今末法之時。繚細尚舒然吾家輅船拔濟五濁極增之世。我門墳籍引三學無分之人。誰不歸仰者乎。抑製三藏半滿之法。令以化三根之有情。造四曼十來之格式。以導六趣之群萌。正是被在世正法之上機也。若以彼遮那止觀之大法。攝當今末法之鈍機。猶察伯樂之圖求。騏驥於市。又如膠柱而調瑟。契

旧脫乎
字
鴛旧作
雅誤

又旧作
矣今依
古

何為旧
作奈何
今依古

瓶而索劍。又不異養魚乎沸鼎之中。栖鳥乎烈火之上。又如機强弩以射鷓鴣。傾牛鼎以烹鷄鵝也。伏請大善知識等莫對金師之子而說不淨觀。勿對浣衣之女而示數息觀。焉可慎可慎。若又有中下之根機趣入聖之險路。譬如曲表而欲直影。却行而求及前。又如載無轄之車。以臨千仞之谷。又猶涉川無梁。凌虛失翼。北轅適楚。南轅適晉矣。然則今博見聞八埏之道人。誦一乘妙典之者。無初緣實相之解行持。五部經軌之彙忘。阿字大空之觀念矣。何為無忘耶。夫實相無相。今遠離實相。阿字有相。今勤絕阿字矣。此

校訂重刊

淨土十勝箋節論卷三

十六

旧脱矣也今依古加

等寂理智光難解難入故初心創稟之行者未曾措
心矣故闕成佛之下種失熟脫之巨益矣若無下種
熟脫之三德奚絕流來生死之四有耶有道之人省
察矣夫末代惡世之行人等只泥滯聞信解行之四
位味登斷惑證理之高科是所以時機不相感也譬
如臘月之麥穗不實熟仲秋之紫笋弗成長又似無
射之梨華應鐘之桃華俱不結菓實矣此之四物不
長熟也是不得其季節而生出之故也未代聖道之
修行準彼而可知焉若有人出乎難行之門入乎易
行之路白骨再肉枯樹重華者歟凡於末世之時勤

旧脱之字今依古

乎念佛如著鏡交陳矣在萬年之今修乎顯密似白
身禦籬乎若人欲禁二死之怨賊者必著弘誓之堅
鏡提六字之利劍也高識之智人自思量矣問曰於
當今末法之時盛勤五分法身之妙行者惟多謂見
其律寺者持五篇七聚之戒行宛如惜浮囊守三聚
十重猶似持油鉢矣聞其禪院者四時坐禪晨昏參
學虛往實歸之彙非一矣見其教寺者循環研竅究
竟聞慧入三摩地發得修慧矣是眼前之事也若爾
者奚言末法之中無戒定行乎答曰仁者之言乍聞
似是熟思天殊也夫燕石濫珠璞鼠名涉名實相濫

校訂重刊

淨土十勝論卷三

十七

延今依
古

由來尚焉然則梵延佛號未知三覺圓滿之義相續
子絕言猶暗言亡慮絕之中道矣縱雖有戒定之行
如似菴果難熟魚子巨長相似故修者雖千萬得者
無一二者乎若爾者只是相似之三學乎亦即假名
之定慧乎蓋非行之難能證之難也夫意陶犬豈守
夜且瓦雞司辰且蚊虻焉越階序居蠅蝗爭禦隆車
居高識卓拔大智人自商量矣難曰今汝造論大破
他立自豈容不招謗人訕法之過耶答曰夫造論用
心偏是以慈悲濟生以為本以利物化他以為先善
能住這意以破淺執而入深教利益最廣矣若挾名

商舊作
高誤今
依古

舊脫此
字

得專得
作專得
倒誤今
依古改
耳舊作
也今依
古

利心以住諛詐而無深法不免斯尤焉難曰夫密教
者是自覺聖智修證之法門也圓宗者亦佛知佛見
甚深之祕藏也禪門者是教外別傳見性成佛之極
要也華嚴者迺如來內證別教一來之奧邃也三論
者亦八不中道一念不生之大法也法相者即萬法
唯心心外無法之中宗也然今以此等大來至極之
法要或下三學域內或訕今時難證矣若爾者此得
專自法愛染故毀訾他人法雖持戒行人未脫地獄
苦之過失者乎何如答曰孰言從上諸教皆是淺略
之踈法也但機根所牽逆流惟難故云耳仁者勿謂

校訂重刊

淨土十勝論卷三

十八

約法體以屬踈略之權法矣請問之曰今現自他行者等破禁塵深而填十重尸羅之玉無慙雲厚隔三覺圓明之月矣智人著眼而見焉或又少在屬無而曰今時證無誰云全無哉此義乍難知者今當攬秦鏡以臨爾面矣其秦鏡者第一之與當章之明文是也抑當代見聞圓密群英之行相全無照機鑑物之法眼只高說一來三密之深理未顧教法機根之應不譬如不領鉤頭之意而錯認定盤星相似故二利俱失兩悉同亡孰指此人而言智慧慈悲方便具足之大善知識耶問曰夫念佛之一行易行易修感應

簡易者十劫以來一切衆生等盡皆得往生淨刹乎答曰一子慈悲雖是平等依所化之群類迴心之與未迴不同而爾也夫火不焚景寒不結風匠不斷水冶不鑄水盜跖不受仲尼大聖之五常調婆弗順薄伽婆帝之教法此等之諸物不變化豈能化之人過失乎不化只在境而已古云雖有嘉肴弗食不知其甘雖有至道弗學不知其善者此自力難行之學者不歸他力微密之玄極之謂歟智人自量矣抑當論一百箇篇皆是述而不作學者若欲琢磨有窳莫讓瑕玷乎玉人鑽仰于再于三定得據經典方添指滋

味矣後生等勿太早莫疎忽矣若太早疎忽吐訕言
駟追不及舌而已噫乎上首之輩為殺鬼之所吞下
首之類為風霜之所侵有情非情俱無常依報正報
同轉變矣南無阿彌陀佛

具結得脫勝第四

夫不斷見思之魔惑分改之繫業難截矣不除無明
之細惑變易之生死叵離焉故如來憫三乘之窮子
驚入火宅之門內俾教空觀以除浮魔之隨眠令觀
中道以斷沉隱之無明矣雖然若空觀風弱而不吹
水上之油三界之沉落不可有猶豫若中觀口緘而

住旧作
位先作
前並誤
今依輔
行改

不吸水中之乳二轉之妙果不可有證期且大日經
疏第十九云慧害唯無明離言說自性自證智說此
是如來此答如來名也此慧能害無明故云慧害雖
不云無明然所害者即是無明其義自顯也此字母
頌云真言不思議觀誦無明除一字會千理即身證
法如也亦圓宗大師云破見惑故離四惡趣破修惑
故離三界生此摩訶止觀第六云初破見假正是初
信從第二信至第七信是破思假此輔行第七云五
品已能圓伏五住豈至此位別斷見思但是圓修魔
惑先斷猶如治鐵魔垢先除此釋籤云破於三惑妙

校訂重刊

淨土十勝箋節論卷上

二十

德古作能

慧方遍也。夫依顯密權實之不同，雖有體達對治之
差降正明，斷惑證理之義相，千車共轍，萬流鹹會者，
乎爰年尼，秋月既隱，本覺之山，慈尊春華未綻，機緣
之林，吾等於二尊之中間，三障雲翳厚覆，而尸羅清
涼之桂月不明，五濁逆浪惡翻，而圓密禪那之慧水
叵澄，四住眩而失，如來知見，四魔誑而隔，究竟菩提
然案，欣求淨土之機根者，是逆謗犯重，惡人全不伏
除一絲毫之惑障，既來彌陀覺王，大願業力，生無漏
無生，微妙報土者，有漏色質之上，備無漏之德用，分
段，依身之體，具變易之功德，是即巨石置大船，速過

旧脫而字今依古

旧脫彼字則旧作即今依論改

曾下旧有乍字今依古省

大海於萬里，蚊虻附鳳翅，翔蒼天於九空，謂乎此義
諸教之所不語，而帝吾淨教不共之所談也。此旨諸
師之所絕離，而特我大師尊者之所立也。鼻祖神鸞
菩薩云：此云何不思議，有凡夫人煩惱成就，亦得生
彼淨土。三界繫業畢竟不牽，則是不斷煩惱，得涅槃
分焉。可思議也。又黑谷尊師云：天台真言皆雖名頓
教，斷惑證理，故猶是漸教也。雖未斷惑者，出過三界
之長迷，故此教名為頓中，之頓也。匪帝具五蓋十纏，
橫截三界六道，亦罪障未盡，尚得離分段生死，故始
祖玄簡大士云：令聲不絕，具足十念，稱南無無量壽

後用作
時今依
論

佛稱佛名，故於念念中除八十億劫生死之罪。命終之後，見金蓮華，猶如日輪，住其人前。如一念頃，即得往生極樂世界。於蓮華中，滿十二大劫，蓮華方開。以此逆罪也。又宗家大師判云：乘華一念至佛國，直入大會佛前，池殘殃未盡，華中合十二劫。後始華開，華內坐時無微苦，超過色界三禪樂。比抑何教談，猶具隨眠，而出生死長夜乎？又誰師訐未盡罪障，而免有海沉淪乎？高識智人自商量，二教最矣。夫縱使耳管鐘鼓管籥之聲，口喙紛參醪醴之味，以感其意，以樂厥身，成平白骨，在今沉乎黃泉，在明嗚呼痛哉。摩訶

止觀云：溘然長往，所有產貨徒為他，有冥冥獨逝，誰訪是非。比若人欲出楚毒之籠，檻遊安樂之太虛，早開口而唱尊號，蓮心而欣淨刹。夫華山之蓮華，服之者羽化，方朔之雲露，嘗之者反老矣。持名號之倫，成西方之大仙，唱念佛之彙，感河沙之大壽矣。南無阿彌陀佛。

具縛不現勝 第五

夫初利圓生之妙，香順風，逆風同熏。芬隨眠成就之凡夫，歷緣對境，即現起若煩惑，現起定造作不善之業，必墮在畏途之中矣。然一切善惡，索多若乘，大願

旧脱其
風等十
六字今

寶輅得生西方淨刹者善趣已前異生等雖未起毫
芒之伏斷二智隨眠全無現行是誰力乎只是我彌
陀大我超世別願不思議力也漏染不起別願并受
樂無染本誓之意思而可知矣經或宣目觀其色耳
聞其音鼻知其香舌嘗其味身觸其光心以法緣一
切皆得甚深法忍住不退轉至成佛道六根清徹無
諸惱患或說雖有此食實無食者但見色聞香意以
為食自然飽足身心柔軟無所味著此等諸文皆明
具縛不現之相者也又初祖玄簡大士云自然德風
徐起微動其風調和不寒不暑温凉柔軟不遲不疾

依論如

旧脱未
字今依
論加

吹諸羅網及眾寶樹演發無量微妙法音流布萬種
温雅德香其有聞者塵勞垢習自然不起風觸其身
皆得快樂此聲為佛事焉可思議上已又註十疑論云
問具縛凡夫惡業厚重一切煩惱一毫未斷西方淨
土出過三界具縛凡夫云何得往生耶答曰有二種
緣一者自力二者他力自力者在此世界修道實未
得生淨土是故瓔珞經云始從具縛凡夫未識三寶
不知善惡因之與果初發菩提心以信為本住在佛
家以戒為本受菩薩戒身身相續戒行不闕經一劫
二劫三劫始至初發心住如是修行十信一信心二
進心三念

校訂重刊

淨土十勝箋節論卷上

二十三

舊唯 德得 後得 復得 後得 舊種 今種 論及 改經 初舊 始舊 位舊 住舊 舊等 字今 論皆 取舊 有衆

心。四。定。心。五。慧。心。六。不。退。心。七。十。波。羅。蜜。等。一。施。二。忍。三。戒。四。進。五。定。六。慧。七。方。便。八。願。九。力。十。智。若。說。六。度。六。攝。後。四。若。開。十。度。第。六。唯。攝。無。分。別。智。後。四。皆。德。智。助。進。力。助。禪。智。助。般。若。也。梵。云。波。羅。蜜。此。到。彼。岸。到。即。到。彼。岸。也。彼。岸。有。二。種。一。者。行。十。度。究。竟。名。到。彼。岸。二。者。生。死。為。此。岸。煩。惱。為。中。流。涅。槃。為。彼。岸。謂。行。二。轉。依。果。名。為。彼。岸。無。量。行。願。相。續。無。間。滿。一。萬。劫。方。初。至。第。六。正。心。住。若。更。增。進。至。第。七。不。退。住。即。種。性。位。十。住。者。一。初。發。心。住。二。持。地。住。三。修。行。住。四。生。真。住。九。王。子。住。十。灌。頂。此。約。自。力。此。具。縛。身。卒。未。得。住。廣。說。如。華。嚴。瓔。珞。等。此。約。自。力。此。具。縛。身。卒。未。得。生。淨。土。他。力。者。若。信。阿。彌。陀。佛。大。悲。願。力。攝。取。念。佛。衆。生。即。能。發。菩。提。心。行。念。佛。三。昧。厭。離。三。界。身。起。行。

二字行 今依論

沙旧作 娑誤

佛旧作 彌陀今 依論 旧脱如 人等九 字今依 論加 王下旧 有行字

施戒修福於一一行中迴向願生彼彌陀淨土乘佛願力機感相應即得往生是故十住毗婆沙論云於此世界修道有二種一難行道二易行道難行道者在於五濁惡世於無佛時求阿毘跋致阿毘跋致此云不退轉甚難可得至乃易行道者謂信佛語故念佛三昧願生淨土乘佛願力攝持決定往生不疑也如人水路行因船力故須更即至十里謂他力也譬如劣夫從轉輪王一日一夜周行四天下非是自力轉輪王力也已亦信師云此等所有微妙五境雖令見聞覺者身心適悅而不增長有情貪著更增無量殊勝功德凡

校訂重刊

淨土十勝箋節論卷上

二十四

八方上下無央數諸佛國中極樂世界所有功德最
為第一以二百一十億諸佛淨土嚴淨妙事皆攝在
此中比夫意一觸五塵之境界永吞三惡之楚毒必
矣且法華云亦以五欲財利故受種種苦又以貪著
追求故現受眾苦後受地獄畜生餓鬼之苦若生天
上及在人間貧窮困苦愛別離苦怨憎會苦如是等
種種諸苦眾生沒在其中歡喜遊戲不覺不知不驚
不怖亦不生厭不求解脫於此三界火宅東西馳走
雖遭大苦不以爲患至乃汝等莫得樂住三界火宅勿
貪鹿弊色聲香味觸也若貪著生愛則爲所燒汝等

吞之止
觀作舌
旧脫卧
字

旧脫亂
字

聲色旧
作色聲
今依止
觀皆改

速出三界上已又摩訶止觀云此五欲過患者色如熱
金丸執之則燒聲如毒塗鼓聞之必死香如弊龍氣
嗅之則病味如沸蜜湯吞之則爛如蜜塗刀舐之則
傷觸如卧獅子近之則齧此五欲者得之無厭惡心
轉熾如火益薪世世爲害劇於怨賊累劫已來常相
劫奪摧折色心今方禪寂復相惱亂深知其過貪染
伏息事相具如禪門中云云上代名僧詩云遠之易爲
士近之難爲情香味類高志聲色喪軀齡上已又遺教
經云汝等比丘已能住戒當制五根勿令放逸入於
五欲譬如牧牛之人執杖視之不令縱逸犯人苗稼

校訂重刊

淨土十勝箋節論卷上

二十五

若縱五根非唯五欲將無崖畔不可制也亦如惡馬不以轡制將當牽人墜於坑塹如被劫害苦止一世五根賊禍殃及累世為害甚重不可不慎是故智者制而不隨持之如賊不令縱逸假令縱之皆亦不久見其磨滅此五根者心為其主是故汝等當好制心之心之可畏甚於毒蛇惡獸怨賊大火越逸未足喻也譬如有人手執蜜器動轉輕躁但觀於蜜不見深坑又如狂象無鉤獲猴得樹騰躍踣躑難可禁制當急挫之無令放逸縱此心者喪人善事制之一處無事不辨是故比丘當勤精進折伏汝心上加以普賢觀

譬如等
八字旧
古並脫

旧脫縱
字今皆
依經如

旧脫使
口二字
今依本
如

故旧作
文誤今
依古

大智論摩訶止觀等之中一一呵五欲之過失文繁故於此不錄學者自知矣又莊子云且夫失性有五
一曰五色亂目使目不明二曰五聲亂耳使耳不聰
三曰五臭薰鼻困憊中顛四曰五味濁口使口厲爽
五曰趣舍滑心使性飛揚此五者皆生之害也上疏曰迷情失性抑乃多端要且而言其數有五五色者謂青黃赤白黑也流俗耽貪以此亂目不能見理故曰不明也五聲謂宮商角徵羽也淫滯俗聲不能聞道故曰不聰五臭謂羶薰香腥腐也憊塞也謂刻賊不通也言鼻耽五臭故壅塞不通而中傷顛額也外

校訂重刊

淨土十勝論卷三

三六

書呼為臭也。故易云其臭如蘭。道經謂五香。故西升經云香味是寃也。五味謂酸辛甘苦鹹也。厲病爽失也。令人著五味穢濁口根。遂使鹹苦成痾。舌失其味。故言厲爽也。趣取也。滑亂也。順心則取。違情則舍。撓亂其心。使自然之性馳競不息。輕浮躁動。故曰飛揚也。也。夫內外之道人皆俱誠。五塵同清。三業矣。然今執持大願業力。往詣安養淨刹者。見色聞聲皆悉。見佛聞法。之因緣。聞香嘗味。亦是發心修行之方便也。故彼方之五塵皆悉。為不假方便。自得心開之良緣矣。是誰人大恩乎。豈非如來悲母之厚恩哉。准犬吠

天上費杖飛雲外。與之大有間行者。思擇居婆伽婆說曰。世皆不牢固。如水沫泡焰。汝等咸應當疾生厭離心矣。南無阿彌陀佛。

具纏不退勝第六

夫以神鯉游乎瀧水。太難。且羅睺征乎因陀。亦難。居此則二轉妙果之高位難。昇五住煩惱之怨賊難。寃之謂乎。嗚呼痛哉。五品菩薩之為初依也。忽懈屈而迴惡趣之衢。六住索多之為習種也。速退沉而成闡提之彙焉。然今三學分外逆。謗疏勒。一切衆生等乘乎地藏菩薩之堅誓。一到金刹。胥邦之彼岸。頓登四

疏勒恐
候應作
躁動

按訂重刊

淨土十勝論卷三

三十七

藏經

不退之高位早證三菩提之妙果也縱使還來穢國
度人天匪石之大心砒乎不轉金剛之信根確乎不
拔諸曰敢問之答雙卷四十八章本誓云設我得佛
國中人天不住定聚必至滅度者不取正覺同下云
其有眾生生彼國者皆悉住於正定之聚所以者何
彼佛國中無諸邪聚及不定聚也又逝多林中無量
壽經云極樂國土眾生生者皆是阿鞞跋致其中多
有一生補處也妙樂第二云阿鞞跋致者阿耨者無也
跋致者退也此宗師解釋云坐時即得無生忍一念
迎將至佛前法侶將衣競來著證得不退入三賢也

淨土十勝論卷三

正
舊作
妙

舊脫菩
提二字
今依論
加

又念佛鏡云準阿彌陀經一日七日念佛功德無量
無邊由多功德往生淨土往生淨土即是八地已上
菩薩也群疑論云或淺行菩薩大智增上猶有退轉
雖有悲愍苦惱眾生隨遇惡緣退菩薩行造眾惡業
失菩提心廣如菩薩本業瓔珞經說法財王子等此
即二利俱失自他並損為此願生淨土離彼惡緣親
近聖尊恒聞正法與諸菩薩俱會一處至念念增進
無有退轉至是以先須願生淨土長養菩薩菩提根
芽令使堅牢縱遇惡緣亦無退轉方可離斯淨土還
生娑婆救攝無始沈淪有緣父母六親眷屬朋友知

校訂重刊

淨土十勝論卷三

二十八

舊古兩本所出論夫文字頗多依現行論皆訂正

識法界含靈此義於安樂集中綽禪師已廣引文等註十疑論云未得無生忍已還及初發心凡夫菩薩者要須常不離佛忍力成就方堪處三界中於惡世中救苦衆生爲此菩薩願云先證無生忍然後度衆生故智度論云具縛凡夫縛謂煩惱能纏縛人凡夫具有故名具縛凡夫有大悲心願生惡世救苦衆生者無有是處何以故惡世界煩惱境強自無忍力心隨境轉聲色所縛自墮三途焉能救衆生假令得生人中聖道難得或因施戒修福得生人中得作國王大臣長者富貴自在縱遇善知識不肯信用貪瞋放逸故廣造衆罪乘此惡業

淨土十勝箋節論卷三

一入三途經無量劫從地獄出地下獄名爲地獄云捺落迦此云苦具受貧賤身若不逢善知識還墮地獄如此輪迴至於今日人人皆如是此名難行道也故維摩經云自疾不能救而能救諸疾人又智度論云譬如二人各有親屬爲水所溺一人情急直入水救爲接無方便力故彼此俱沒一人有方便往取船筏南人名薄北人浮於漢河以運人物者乘之救接悉得脫水溺之難新發意菩薩亦復如是求得忍力不能救度衆生爲此常須近佛得無生忍已方能救衆生如得船者又論云譬如嬰兒釋名曰人始生日嬰兒前日嬰抱之嬰前而乳養之名爲嬰兒不得離母

校訂重刊

淨土十勝箋節論卷三

二十九

若也離母或墮沉井渴乳而死又如鳥子羽翅未成
 只得依樹傳枝不能遠去羽翮成就翮下革反謂鳥翅長羽云翮
 方能飛空自在無礙凡夫無力唯得專念阿彌陀佛
 便成三昧以業成故臨終斂念得生決定不疑見阿
 彌陀佛證無生法忍已還來三界乘無生忍船救苦
 衆生廣施佛事任意自在故論云遊戲地獄入地獄救苦隨意
 自在故且行者生彼國得無生忍已還入生死國救
 化地獄救苦衆生以是因緣求生淨土者願識其教
 故十住毗婆沙論名易行道比又云問設令具縛凡
 夫得生彼國邪見三毒等常起邪見攝五利使云何

得生彼國即得不退超過三界耶答曰得生彼國有
 五種因緣故得不退云何爲五一者阿彌陀佛大悲
 願力攝持故得不退二者佛光常照菩提心常增長
 故得不退三者水鳥樹林風聲樂音皆說苦空滅苦集
 各有四行苦空但空是苦諦下二行小乘可爾今此
 不爾豈可彌陀唯談小行應明苦不苦亦苦亦不苦
 非苦非不苦空不空亦空亦不空非空非不空圓音
 普應佛意甚深依義不依文方契教旨故涅槃云凡
 夫有苦無苦諦二乘有苦有苦諦菩薩解苦無苦而
 有真諦又有漏凡夫生彼初見彌陀鹿相聞有作生
 滅四諦苦空法後得阿鞞跋致見彌陀細相方開無
 作四諦圓妙之理經中且約凡夫初生故云苦空
 聞者常起念佛念法念僧之心故不退四者彼國純
 諸菩薩以爲良友案小阿彌陀經云彼佛有無量無
 邊聲聞弟子又云衆生生者皆是

校訂重刊

淨土十勝論卷三

三十

阿鞞跋致。今純諸菩薩者。彼此二土。聲聞不同。此則
 據而多苦。故羅漢。於苦依於。于灰斷彼。則淨而唯
 樂。當身。便為菩薩。如釋迦在世。鹿野羅漢。豈同法
 華會上。佛道聲聞。此中約後。故云。純諸菩薩也。無
 惡緣。境外無外道神鬼。魔內無邪。三毒等煩惱。畢竟
 不起。故不退。五者。生彼國。即壽命永劫。共佛齊等。故
 不退也。在此惡世。日月短促。經阿僧祇劫。復不起煩
 惱。長時修道。云何可得無生忍也。智度論第五十云。於無生滅諸法實
相中。信受通達。無導不退。是日無生法忍。別圓地住。
菩薩方得此忍。又一師云。無生者是境。無所執。生法
者是教。詮無生教。忍者印證。義地前昔聞。此理顯然。
味能智證。登地已上。智能印證。名無生忍。
 不須疑也。上已又神鸞大士論註云。住名不異。不滅持
 名不散。不失如以。不朽藥塗。種子在水不瀾。在火不

旧脫水
字今依
註加

一箇處
字恐衍

難得。因緣則生。何以故。不朽藥力。故若人一生安樂
 淨土。後時意願。生三界。教化衆生。捨淨土。命隨願得
 生。雖生三界。雜生水。火中。無上菩提。種子畢竟不朽。
 何以故。以逕正覺阿彌陀。善住持。故。上已又慈恩大師
 西方要決。迦才法師。淨土論等。中委明。四不退之相。
 以判淨土處處不退之義。欲知之者。矣。原夫。匪啻須
 一到安養。永無退失之巨益。蒙乎。不斷煩惱。得涅槃
 分之勝利。又還來濟度之時。設入輪迴之苦海。猶如
 没人而全。不溺乎。愛波。設導。美里之罪人。宛如火鼠
 而更不焦。子熾焰矣。以意一切衆生等。依六字尊號

校訂重刊

淨土十勝箋節論卷上

三十一

之功力詣九品清淨之金臺唯獨洗心乎甘露水怡
眼乎妙華色而永弗還來穢國度人天者譬如富貴
兮不歸故鄉亦似衣錦兮暗夜遊行矣者乎若爾者
有胡眉目耶然我等往生歷劫以來未聞見之西方
淨土蒙阿彌陀仙兩足尊之叮嚀授記已忽還桑梓
之忍界早救芝蘭之舊親豈非曠劫之大慶哉得如
是最勝上上之二利者是偏持吾彌陀牟尼之大願
業力而然矣言其大願業力者或是住正定聚之大
願或亦不更惡趣之別誓而已請問之曰夫洪經大
論等語創稟行者住不退轉之相多先約位不退以

智者等
五字曰
脫之今
依古補

言之矣言其位不退者是不墮惡趣之巨益也夫以
不斷見惑而備位不退之勝用乍具邪念閉四惡趣
之門戶此是全不更惡趣本誓悲願之所加持也誰
輕毛行人聞之而不信行乎孰信前凡夫得之而弗
尊崇乎智者省察焉智者省察焉抑案諸佛設教之
義相隨宜利物之方便雖設四意不了之權巧別願
濟生之誓約唯演了義隨自之真言也如夫一乘法
華雖是三世如來出世之本懷若無所被之根機則
闕一乘之開演所謂彼旃陀多寶二佛只開三不顯
一等是也是併由一機之不純然耳若以由機緣有

校訂重刊

淨土十勝論卷三

三十二

權機 舊作機 非今依 古改

無說教亦有存沒之義而推之者諸佛淨土之中無
權機故全不可有說三乘權法也所以然者法華妙
文云說教一三因國土淨穢故也若爾者於華光如
來淨土者不可說三乘隨他漸教之道理居然也雖
然身子尊者因婆羅門乞眼退時願云成佛日必開
三乘之法故離垢世界雖無權機為果遂本願且敷
演隨他權法矣法華云彼佛出時雖非惡世以本願
故說三乘法上妙樂大師受之云土淨唯一上願說
三上又云上品淨土不須開漸故云因願乃可有說
香積無願故不得說上又道暹師判但遂本願非被

法念不 知出在 何典

現下旧 有在字 衍

權機上彼鷲子尊者值乎乞眼之惡緣暫時發開三
之權願而不云不說三乘不取正覺猶設非被權機
之開演今法念索多代乎二轉之大果慙慙立超世
本願而云若不爾者不取正覺豈容令行者退失菩
提之行願乎學者商量矣已上明他力不退之相已
竟問曰淨土修行不退之相經文明鑑仰而信樂之
矣穢土修行退大之義其說出在何文居答曰瓔珞
經云諸善男子若一劫二劫乃至十劫修行十信得
入十住是人爾時從初一往至第六住中若修第六
般若波羅蜜正觀現前復值諸佛菩薩善知識所護

校訂重刊

淨土十勝論卷三

二十三

舊脫善
字
善曰作
名誤

才舊作
財
王下曰
有子字
舊脫因
字
名曰作
是今皆
依經訂
正
六曰作
五
說
舊作

設
舊脫答
字
空上曰
有虛字
今皆依
記刪補

八曰作
九今依
論改
舊脫住
意時失
四字今
皆依論

故出到第七住常住不退自此七住以前名為退分
佛子若不退者入第六般若修行於空無我人主者
畢竟無生必入定位佛子若不值善知識者若一劫
二劫乃至十劫退菩提心如我初會衆中有八萬人
退如淨目天子法才王舍利弗等欲入第七住其中
值惡因緣故退入凡夫不善惡中不名習種姓人退
入外道若一劫若十劫乃至千劫作大邪見及五逆
無惡不造名為退相上妙樂第六云土淨唯一酬願
說三即施即廢問何處願說答準大悲空藏經於六
十劫行菩薩道因波羅門乞眼退時願成佛日開三

乘法上問曰六住退大之說為是權說將為實說耶
答曰諸宗所談各別權實之二途難定者也若依法
相宗之意而言之者彼宗意者不許地前斷惑之義
故云伏惑現起而退大流轉也若存此旨者可是實
說曰敢問曰慈恩大師唯識述記云瑜伽說勝解行
菩薩於三處妄失猶起煩惱或時捨戒所說諸法如
闇中射或中不中故此位中自分別煩惱未盡上又
地持論第八云解行住菩薩或時起邪身口意業有
時貪着五欲境界或時顛倒受生或忘失正念或時
退捨大菩提心或犯菩薩戒解行住下忍時如上說

校訂重刊

淨土十勝箋節論卷上

三十四

加

位旧作
住今依
古

北字疏
作比字
而蓋齋

記並作
北字未
知孰是

中上忍不如是上已設雖存伏惑退大之義退已入僧
祇之六住而作謗法斷善之邪人學佛大士豈不傷
嗟諸又五教章云本業經說十住第六心有退者起
信論中釋彼經文為示現退也為慢緩者策勵其心
故而實菩薩入發心住即得不退也上已若依天台宗
之意而言之者別教十住是斷見除思之位故全不
可有實退之人所以以瓔珞之說以屬權說云云問曰
天台宗意以六住退大之文屬權門之義而勘判之
出在何文居答曰菩薩戒疏曰止觀師說是十信中
六心退耳北釋論師及金剛般若論師皆作此解是

淨土十勝論卷三

信習十心中六心耳七心已上永離二乘爾時設為
利弘經不無輕漏而度物心不失恒有菩薩之名也
上已頂山師受之蓋齋記云此乃可疑之義也熙鈔引起
信權退有大小二義四明克就圓人示迹言之若作
權說何須釋難耶又全背妙樂之記也又四明答曰
本云遂以義求斟酌言之甚踈脫也今謂疏雖引舊
十住第六心退并問答等但云終是難通耳止觀師
北釋論師般若論師作十信心中第六心等令後進
持擇之觀記主意若依疏文存乎二說亦可用之但
舊云六住者一往豎說則為難通乃依婆沙橫斷之

按訂重刊

淨土十勝論卷三

三十五

程旧作
理旧作
過旧作
門旧作
文旧作
見旧作
思旧作
猶旧作
既旧作
亦旧作
惑旧作
亦旧作
亦旧作
有旧作
今依教

義則舊說可通也。此乃記主足成祖意也。妙樂云恐者一對。古師豎斷二對。吾祖信住皆可用也。請有眼者觀之。此又宋朝知禮法師決本朝惠心之問云。若常程別教皆云。初住斷見。更不起諸重過也。况見惑一位頓斷。思惑乃歷諸位方盡。蓋常所談別教分齊也。今記主釋云。身子六住尚退。復起重罪。遂以義求恐有教門。見思俱斷。至六心時思猶未盡。見亦餘殘。所以能牽惡道也。此是記主約義斟酌之詞。不可將現行別教難也。此又安海供奉云。別教自初住可不退。但至身子難者。別教教門一途意也。所以記五云

行錄及
唐決皆
訂正

見思俱斷。至六心時見猶未盡。六心尚退。此又五大院云。故至六心退入生死。或別教教門之異說。此又慈覺大師止觀記云。第六住退者。通教內凡性地以別名。名通次明通位。故第六卷本文云。若借別名。名通者。外凡三賢是乾慧地。名十信四善根內凡是性地。為十住十行十迴向。云舍利弗昔從十六王子聞法華經。在圓教觀行依退圓教。取小而云第六住退。借通教位名。圓觀行若爾。應云性地退。但是第六住退。只借別名。名通。以釋通位。故云住也。問通性地是內凡圓觀行。是外凡。何以通性地而名於圓觀行位。

舊及古
所出章
文字多
脫誤而
義難通
今依本
章皆訂
正

耶答今約有退之位不論內外凡也此所判之意
璣珞經之說文是則云圓教觀行即之人退相而約
名別義通之義門以說第六住退之相也黑谷先德
一義亦云名別義通之意矣又智證大師法華論記
云借別位名通教也又傳教大師愍喻辨惑章云
通此有二說一云第六住退者是佛權說其實不退
是故龍樹十住婆沙論云十住退者為怖地前菩薩
令速入初地故云退可其實不退二者第六住退者
應云十信第六信退至故只應呼信為住耳又智
證大師論記云六住者此義只應呼信為住耳黑

舊脫前
字今依
記如
二舊古
並作四
今依現
本疏改
中則登
經此語
七字今

谷先德云或云十住者是十信名也夫設雖存呼
信為住之義退失一萬劫之十度吞三惡趣之楚毒
豈容非道人之愁吟居又馬鳴起信論龍樹釋論明
權退之義故慈川道熙師引起信論判權退之旨又
黑谷先德云或云權退云又智證大師論記云智論
怖地前者依身子本位以迹事為示現者義意得通
已又嘉祥法華義疏第二云而舍利弗六十劫行道
六心中退中者此則是仰學六信猶未登六信也而
璣珞經云六住退者龍樹釋此語云欲怖地前菩薩
令速入初地故云退耳其實不退也又大論十二

皆依疏

五旧作
二非
斷旧古
並作盡
誤今皆
依記改

僧侶疏云此蓋仰學十信之中第六心非謂正入十住心也問曰天台宗意而談十住斷見思之位故不可有實退之人但至璣珞經之說者是教門一途假說者是一往廢立且將又再往施設且答曰多分云教門權說矣今謂別教十住菩薩雖是斷惑猶是實退大流轉矣請問曰此有二義一曰五部合斷之義二曰次第斷惑之義初言五部合斷義者妙樂第五云六心中退者準璣珞經意身子於十住中第六心退恐是爾前見思俱斷至六心時見猶未盡六心猶退上比夫妙樂之中初言見思俱斷者正顯五部合斷

淨土十勝論卷三

之義也次言見猶未盡者判五部合斷故見惑猶未盡至六住故六住猶退大也此之解釋正約實義而判退義耳問曰別教菩薩五部合斷者有何援據答曰恐是爾前見思俱斷至六心時見猶未盡六心尚退之詳判其誠證也因茲御廟大師存五部合斷之義焉又五大院云若準此經恐六住已前雖斷見思至六住見未斷盡故不同常途一聚頌教聖說多端為誘一機說此斷位有一類超斷者在凡地時有漏智斷下八地見思二惑齊第六住此人入別教者應到七住若遇諸佛菩薩善知識能修空惠即入七位

校訂重刊

淨土十勝論卷三

三十八

若遇惡緣還入生死經帶此意說六住退故云恐是爾前見思俱斷至六心時見猶未盡也又黑谷先德云見思俱斷者此以有漏智斷下八地見思惑有頂地見猶未盡故至六心時退也但此等諸義之意約本在凡地之時斷下八地之煩惑之後入別教十住之人以為言矣今一流相承之趣味必然也別教十住菩薩之中有一類別姓之人自始修有漏智而五部合斷也敢問答例如二乘斷證有類聚斷有次第唯識第十云一類二乘三界九地一漸次九品別斷一類二乘三界九地合為一聚九品別斷又有一類別教十住菩薩始自初住位終至第六住

住旧作
位今依
古改

五部合斷有何相違哉但唯識論約初果而為言三敢問曰就未入佛法之人五部合斷有二類不同一曰外道異生二曰凡夫異生古德之意又已入別教之人之中有五部合斷所謂自初住至六住用有漏智斷一類別教之行者是也一流相傳已上五部合斷之義畢二言次第漸斷之義者設雖別教十住菩薩以真空無漏智而實斷見思何無退大流轉之義乎且依數家所談值五種退緣失四果高位若爾者設雖六住斷見思之人應實退大取小乎問曰毗曇有門之意於事相浮偽之迷已前斷盡之尚重易起故明思惑

校訂重刊

淨土十勝論卷三

三十九

十一
作六

退起之義於五見迷理之惑者破石頓斷之後永不
起故不許初果退失之義也準彼思之別教六住菩
薩故雖有退起思惑至乎二住全不可有退起見惑
故弗退初住之位如何答曰見瓔珞經之炳文說六
住退之義相而云作大邪見及五逆罪無惡不造是
為退相如是說者見乎猶可退初住而作逆謗之輩
也難曰斷見惑之人翻乎於藤起地覺之妄情見乎
四真諦不生之極理若爾者何可反而起於繩起地
覺親迷理之惑乎答云不退起見惑者自是數家一
途之論說耳頌疏第十二云依薩婆多宗唯預流果

定無
作竟
故下
脫諦
十六
依下
脫斷
八字
流下
有阿
今皆
現本
疏正
闡舊
闡今
古改

必定無退以斷迷理見道惑故諦理真實措定可依
聖慧已證必無退理後之三果許有退果以修道惑
是迷事故事相浮偽無定可依斷迷彼惑有失念退
若大眾部預流果有退阿羅漢無退依經部宗預流
羅漢必無退果已又宗輪論中盛明前三果退失之
義相也若準彼言之者退乎初住而作闡提於義無
違二義俱是實義而非教門焉居智證大師論記一義云或六心是
依根不同已今案所判之意上舉呼信為住名別義
通欲怖地前等種種之義畢下云或六心是依根不
同更又成一義者恐是示五部合斷之人與漸次斷

校訂重刊

淨土十勝論卷上

四十

心旧作
之今依
古

條旧作
修今依
古改

惑之類有實退與智者留心而染指耶留心而染指耶問曰數家之意者出乎五緣五證之文理而雖立羅漢退落之義論家之所談者舉乎二十餘條之援据而固成應果不退之旨若爾者何強依薩婆多大衆部等以為例證詳勘乎別教六住退之義相邪何如答曰仁者莫以天之清難地之濁勿以火之執沮水之冷仁者以成論之說而詰乎我者我者亦以毗曇之文反責乎仁者若夫如此者所立無乖違者哉因論生論問云數家論家退不退二義終使可融會之邪答曰論師異論不須和會居問曰若言通惑斷

大

盡之人尚退而作邪見闡提之輩者圓教相似即之行者亦可起惑退而作流轉邪人歟如何答云前二行人觀慧偏真故於斷惑之位猶起惑退矣圓教修行三觀巧妙故登十信之位全不可退矣法華文句第九云圓初心即不退聞壽量功德自外而資圓順信解自內而薰所以不退此妙樂第九云初信至七信為位不退八信為行不退此又玄義第六云若相似益隔生不忘此問曰圓教名字觀行之人退大流轉出在何文邪答仁王般若云十信菩薩有退有進譬如輕毛隨風東西是諸菩薩亦復如是此玄義第

旧脫諸
字今依
經及古

校可重刊

淨土十勝論卷三

四十一

舊脫益字
則旧作
即今皆
依玄義
改

大悲旧
作本今
依釈義
改

六云。名字觀行。益隔生。則忘。或有不忘。忘者。若值。知
識。宿善。還生。若值。惡友。則失。本心。比別教。十信。與圓
教。五品。同。是未斷。而其位。齊等。故俱退。夫耳。又文句
第七云。醉酒而卧者。當于爾時。大機暫發。無明暫伏。
得聞經。内心微解。以無明重。故還復迷失。比妙樂第
七。受之。而云。或五品。初未入。相似。比同第六云。集理
退者。多在五品位。前為對不退位。且以五品為退位
耳。比釋籤第一云。以退大流轉。故惑寂理。而耽無明
酒。以失大悲心。故迷妙因。謂生死曠遠。又云。耽障中
道微細。無明故失。於大志。復耽現行。鹿欲無明。忘本

梵旧作
梵非

所受。比妙樂第六云。本結大緣。寂光為土。期心所。界
法界為機。退大已來。穢土全失。今流五道。望本為他。
方便有餘。尚非已界。况復五道流轉者。耶。今窮子所
居。現處五濁。且以所住。望本為他。自爾以來。常在三
界。故云。久住。比凡。譬喻信解化城。壽量等諸品之中。
盛明退大流轉之相也。恐繁不舉之欲。知之看焉。又
小乘數家之意。恐乎五種之退緣。住乎六欲之天上。
云云。此例非一。不遑縷說。曰敢問。曰釋籤云。法譬二
周得益之徒。莫非往日結緣之輩。比問曰。梵網義記
云。舊云。法才王子。六心中退。即云。十住第六心難云。

校可重刊

淨土十勝箋節論卷上

四十二

善曰作
是下旧
有不改
二字今
皆依戎
疏正

十住云性地性以不改為義云何退作二乘其猶一
答性是不作一闡提不妨退大向小也若依此說者
退大之人不作謗法闡提之彙只作二乘之聖人然
玄文云諸師云中上是三果者然此等人三塗永絕
四趣不生現在雖造罪業必定不招來報如佛說言
此四果人與我同坐解脫之床也夫二乘孤調之小
行三途解脫之捷徑也若爾者何強愁退大取小耶
答曰此言不忍聞矣夫孤調之小心為菩薩大行是
鳩羽毒矣灰斷之執情為解衆生縛迺生金銀也所
以莊嚴論偈云雖恒處地獄不障大菩提若起自利

旧脫金
字今依
古如

旧脫善
未成與
已成下
旧古並
有佛字
經今依
旧脫在
字今依
戒疏如

心是大菩提障也般若云若菩薩設殞伽沙劫受
妙五欲於菩薩戒猶不名犯若起一念二乘之心即
名為犯也摩訶止觀第二云大論云寧起惡願野干
心不生聲聞辟支佛意也又三論玄云大品呵二乘
為癡狗淨名貶聲聞為敗根也又梵網頓制云若佛
子護持禁戒至常生大乘善信自知我是未成之佛
諸佛是已成之佛發菩提心念念不去心若起一念
二乘外道心者犯輕垢罪也義記受之云暫念小乘
戒垂本所習故制至欲背大向小心計未成犯前第
八背大向小戒計成失戒在第十重戒中說此戒所

校訂重刊

淨土十勝論卷三

四十三

想旧作
相今依
疏及古
改

暫信旧
作暫念
今依疏

制不欲背大正言小乘易行且欲斷結然後化生至乃
不應一念起自度之想外道者指二乘為外道上已夫
犯暫念小乘戒之人是鷲子之類耳又同義記云第
八背大向小戒至乃若決謂大劣小勝計成失戒若心
邪畫味成犯輕垢同此戒制今舉背大向小為語以
凡夫菩薩多行此事故上已又謗三寶戒云暫信小乘
知大乘高勝且欲斷煩惱取小果後更修大此名念
退若計成犯輕垢上已此等諸文皆以退大取小之人
名毀犯他勝處之惡人若夫毀破大乘之尸羅豈容
不沉溺生死之海底居欲退大取小疲夫大過失之

德下旧
有故字
旧脫此
字
二下旧
有種字
生旧作
身
量旧作
邊
旧脫功

相貌如斯矣但至增一阿舍中世尊歎富樓那而言
與我同坐解脫之床者是約斷除四住而解脫分段
之義篇為言矣若約法身之與度生二途而言之者
二乘是癡狗乎是野干乎法身諸佛內證濟度如來
素懷二乘已捨之豈容等同大聖居唯識述記云佛
得二名離煩惱故名解脫身離所知障具無邊德名
為法身又云二乘所得此二轉依果但名解脫身解
脫生死及縛法故以彼轉依無十力等殊勝法所莊
嚴故不名法身殊勝法者斷所知障得無量功德依
故解深密經七十八等說真如為解脫身言世尊二

校訂重刊

淨土十勝論卷三

四十四

德二乘
平等大
字今皆
依記訂
正

乘所得轉依名法身不善男子不名法身當名何身
名解脫身由解脫身故說二乘與佛平等平等由法
身故說有差別上有智之人可知焉抑彼安養淨土
設雖有小聖轉向大乘之後曾無捨大入小之人婆
藪波豆論主所謂大乘善根界等無譏嫌名女人及
根缺二乘種不生者乎相比淨土之修行迴小向大
之與穢國之勤行退大取小而判之實非得為比類
也智者商量矣智者商量矣敢問之答若依此方修
治斷除退乎五品六住之高位而吞乎三惡四趣之
楚毒失乎四果救賊之威力而下流轉生死之卑位

猶非今
依古改

是即偏穢土修行之大過失耳抑又道人現不見居
戒公詰老之先蹤且行者親不聞諸慧師草堂之舊
跡且智者等當履虎尾摩龍鬚應臨深淵踐薄冰也
於戲宜哉實哉一詣淨刹無蠱毒之女人不害法性
之妙體無班猫之乞眼不奪六住之高位龍猛大士
判彼尊佛利無惡名亦無女人惡道怖彼尊無量方
便境無有諸趣惡知識蓋此謂乎凡聞沉檀香百味
皆是增進佛道之資糧矣見衆色聽諸音莫非見佛
聞法之勝緣焉然則光明寶林之說一實相之朝遠
登十住真因之高位諸上善人之會同法席之夕早

校訂重刊

淨土十勝論卷三

四十五

旧脱分
字今依
古加

歡旧作
歎

旧脱且
孰二字
今皆依
古正

商旧作
高今依
古改

證二轉究竟之大果矣孰與此方修行之多分退轉
之與淨利勤修之一向不退全非比技哉古云夫
車之獸介而離山則不免于罔苦之患吞舟之魚
而失水則蟻能苦之上爰我等異生等雖適金邦
登斷惑之高科雖列聖眾猶在底下之凡位然出
乎寶利還乎桑梓起乎悲心化乎群品全無起惑罔苦
之患更離奈梨蟻虫之怖是則所以被住正定聚本
誓之加持而致還來濟度也夫意持名之行者等先
生安養之寶利而登不退之尊位竟後還來穢國而
拔眾生之無明出生死之淤泥矣厥熙怡歡悅孰與

淨土十勝論卷三

漢高歸乎沛郡之舞遊且孰與蘓武入乎故京之眉
目且聖道初心之菩薩不乎親友之貧里而運度脫
眾生之策者二利俱失宛如項王欲度烏江亦似餘
子還壽陵矣胡顏乎智人商量矣智人商量且曰敢
問之答夫十方西方總別之異故其巨益同結歸淨
土宗論十住意請問之曰本誓有無之差異耳二祖綽公
安樂集天台國師十疑論慈恩大師西方要決智覺
禪師萬善同歸集等諸書之中引馬鳴大士起信論
龍猛尊者大智論委詳判淨穢二土修行之高卑而
捨此方修治取彼土斷除欲知之而見矣又法照國

校訂重刊

淨土十勝論卷三

四十六

所出讚
文旧前
四句後
四句倒
置今依
本及古
正

師云西方進道勝娑婆緣無五欲及邪魔成佛不勞
諸善業華臺端坐念彌陀五濁修行多退轉不如念
佛往西方到彼自然成正覺還來苦海作津樑上夫
道士不見乎若諸有情生彼土者皆不退轉阿耨菩
提之金言且修者弗聽哉一到彌陀安養國畢竟逍
遙即涅槃之高判諸宜開眉破顏且當熙怡微笑矣
夫若聖道諸宗之行者等且閣五濁修行多退轉之
難行專勤不如念佛往西方之易行是則麗姬之悲
悔乎麗姬之悲悔乎古云無常暴風不論神仙棄精
猛鬼不嫌貴賤不能以財贖不得以勢留延壽神丹

千兩雖服返魂奇香百斛盡燃何留片時誰脫三泉
上夫干莫利又能斷物尊號湛盧豈不然乎南無阿
彌陀佛

淨土十勝節箋論卷上

乾下終

校訂重刊

淨土十勝節箋論卷上

四十七止

浄土十勝論卷上

夫于其除名號... 十兩... 淨土十勝論卷上... 乾下



